

898.

1443 Oktober 28

Niclaus Bornichin und Peter Isemann übernehmen eine Bürgschaft.

fol. 167v Niclaus Bornichin und Peter Yszeman haben Nickel Mathes gereth und globit vor eyne were pro 2 ß 12 gr vor ansprach Hoburgis kinth. Actum in die Symonis et Jude anno domini etc. XLIII^o.

899.

ohne Datierung

Hohenstein bekennt eine Schuld und verpfändet sein Haus.

fol. 167v Hohinsteyn hat bekanth, daz er schuldig sey Goczin Schelinsmid 5 alde ß gr, dy er om czu synir notdurfft gelihen hab. Davor hat er oin czu phande eyngesaczt seyn husz, vor dem Frawinthor gelegin. Wenne er sulchir schuld nicht lengir enpern will, daz er sich der vor ydirmenlichin daran irholen sal, wes er oin doran nicht abgerbit hette.

900.

ohne Datierung

Wenzel Wechseler erhält Hilfe.

fol. 167v ^(a)Wenczil Wechseler ist gehulffin czu eynem dritteil des halben hoffes, den Glymel widir^{b)} Paul Schigkir gekauft hat, als von seyns weibis weyn, den er mit rechte an ir wunnen hat. W. produxit prima et 2^o et 3^o:

a) davor steht durchgestrichen Wenczil Wechseler ist gehulffin czu eyn dritteil sechssteil des gelaszen hoffes des *b) folgt durchgestrichen* schu

901.

ohne Datierung

Sletyn bekennt eine Schuld und verpfändet sein Haus

fol. 167v Sletyn hat bekanth, daz er schuldig sey Josten Payszinkesz 2 ß gr, davor hat er om czu phande eyngesaczt und benumet seyn huszichin vor dem obern thor, wenne er om sulch geld nicht lenger will laszen anstehin, daz er sich sulches geld vor ydirmenlichen doran irholen sal.